



Inskrywingspakket

Sluitingsdatum verleng tot 6 Mei!

Miele
PROFESSIONAL

RIEDEL
THE WINE GLASS COMPANY
GRAPE VARIETAL SPECIFIC®

Brought to you by  **Investec**

DIE TROPHY WINE SHOW 2022 – Aangebied deur Investec

DIE SKOU EN HOE DIT WERK

Die Trophy Wine Show aangebied deur Investec is Suid-Afrika se mees gesaghebbende wynkompetisie. Dit word jaarliks in Mei/Junie aangebied en die uitslae word binne 'n paar weke na afloop van die beoordeling bekendgemaak.

- Panele bestaan uit drie beoordelaars (insluitend een internasionale beoordelaar), sowel as 'n junior beoordelaar.
- Die punttoekenning is gebaseer op 'n 100-punt stelsel. Wyne wat 95 punte of meer behaal ontvang 'n goue medalje, 90 tot 94 punte ontvang 'n silwer medalje en 85 tot 89 ontvang 'n brons medalje.
- Alle goue medalje-wenners word voorgelê vir die trofee-beoordeling waartydens al die panelede hierdie wyne weer assesseer vanuit vars oopgemaakte bottels. Beoordelaars wat produsentebelange het, is nie in 'n posisie om die toekenning van 'n medalje of 'n trofee aan hul eie wyne te beïnvloed nie.
- Die kompetisie-uitslae word deur Narinx De Klerk Chartered Accountants geoudit.

DIE BEOORDELAARS

Suid-Afrika se mees gerespekteerde internasionale wynkenner, **Michael Fridjhon**, is die voorsitter van die wyskou se paneel van drie internasionale en ten minste ses plaaslike beoordelaars.

1. **Eric Goettelmann** – (Frankryk) Uitvoerende Sommelier van die Relais Bernard Loiseau-groep in Boergonje vir afgelope 20 jaar. In diens by Paul Bocuse restaurant in Lyon gedurende 2020. Erken as Beste Sommelier in Frankryk in 2018.
2. **Anthony Mueller** – (Kalifornië) Robert Parker's Wine Advocate skrywer, Advanced Sommelier en wynopvoeder.
3. **Anthony Rose** – (Verenigde Koninkryk) Wynrubriekskrywer vir The Independent en medewerker by Decanter, The World of Fine Wine, The Real Review, The Financial Times How to Spend It en die Oxford Companion to Wine.

Die plaaslike beoordelaars bestaan uit 'n paneel wynmakers, wynkopers en wyskrywers – almal met bewese beoordelingsbevoegdheid: Tongai Joseph Dhafana, Heidi Duminy CWM, Spencer Fondaumiere, Gynore Fredericks, Patson Mathonsi, JD Pretorius, François Rautenbach en Cathy van Zyl MW.

Junior beoordelaars (gewoonlik gekies uit onderskeiding-graduandi van Michael Fridjhon se wynproe-akademie wat in samewerking met die Universiteit van Kaapstad se nagraadse bestuurskool aangebied word) sit gewoonlik op elke proepaneel en neem aan die proe en na-beoordelingsbespreking deel, alhoewel hul punttoekennings nie by die finale telling in berekening gebring word nie.

VOORDELE VIR DIE PRODUSENTE EN VERBRUIKERS

- Die Skou-uitslae ontvang omvattende plaaslike en internasionale mediadekking.
- 'n Program van wynproeë van die medaljewenners sal aangebied word aan die borg se kliënte regoor die land, sowel as by wynproeë vir die publiek in die hoofstede.
- Die trofee- goue en silwer medaljewenners word by proeë in die land se hoofsentra aangebied sowel as by die Investec gasvryheidsgeleenthede wat help om aan ingeskrewe produsente toegang te bied tot 'n belangrike premiummark.
- Insette van die beoordelaars, sowel as punttoekennings en kommentaar, word beskikbaar gemaak aan almal wat 'n inskrywing indien.
- Verkope van wyne wat medaljes wen: Port2Port is weer aangestel as die verkoopsagent vir die skou. Waar nodig, sal die opname van verskaffers en verspreiding namens Port2Port deur Meridian Wine Distribution hanteer word. Afgevolg 'n jaar van drie alkoholverbannings en byna geen handelsbedryf, was meer as 3000 bottels medalje-bekroonde wyne vir meer as R600 000 se verkope in een maand merkwaardig.
- Suid-Afrika se voorste produsente ontvang groter erkenning, asook toekennings vir wyne wat internasionaal byval vind.
- Ingeskrewe wyne ontvang kommentaar van beoordelaars tydens die beoordelaars se terugvoersessie ('n afskrif word aanlyn beskikbaar gestel).
- Medaljeplakkers fasiliteer gehalte wynidentifisering in 'n toenemend verwarrende kleinhandel-omgewing.
- Die uitslae word digitaal op beide die wyskou-toep en webblad gekommunikeer, toeganklik via rekenaar of mobiele toestelle, om te verseker dat inligting regdeur die jaar beskikbaar is.

2022 DAGBOEK

BEOORDELING

Sperdatum vir die indiening van inskrywingsvorme en alle dokumentasie

Sperdatum vir betaling van fooie op faktuur

Aflewering van wynmonsters

Beoordeling van wyne

Die beoordelaars se terugvoersessie-formaat sal mettertyd bevestig word.

UITSLAE

Aankondiging van kompetisie-uitslae:

'n Volle stel uitslae sal op die webwerf beskikbaar wees.

Besoek www.trophywineshow.co.za

OPENBARE PROEË

Wynproeë vir die publiek in Kaapstad en Johannesburg sal mettertyd aangekondig word.

Finale datum vir aankoop van Skou toewysings:

Verleng tot Vrydag 6 Mei!

Vrydag 13 Mei

SLEGS Donderdag 9 Junie

13 tot 16 Junie

Dinsdag 5 Julie

Vrydag 5 Augustus



INSKRYWINGS DATUMS VIR DIE KOMPETISIE

Verleng tot Vrydag 6 Mei! = Sluitingsdatum vir die indiening van dokumente (voltooide Excel inskrywingsvorm, sertifikate, afskrifte van wynetikette en Inskrywingsvorm-kieslys). E-pos aan alex@outsorceress.co.za

13 Mei = Sluitingsdatum vir betaling van inskrywingsfooie.

Donderdag 9 Junie ALLEEN = Datum wanneer wynmonsters aanvaar sal word (wyne moet by The Westin Cape Town Hotel - hotelse afleweringlokaal, Convention Square, Lower Longstraat nr. 1, SLEGS tussen 08:00 en 15:00 afgelewer word); 6 bottels per inskrywing, met verpakking wat duidelik gemerk is.

INSKRYWINGS DOKUMENTE

- Die Trophy Wine Show 2022-inskrywingsvorm(s) (Excel-formaat) moet volledig ingevul word.** Onvolledige en handgeskrewe vorms sal NIE aanvaar word nie.
 - Verseker asseblief dat die naam van die ingeskrewe wyn direk ooreenstem met die etiket.
 - Indien enige wyn deur 'n vorige wynmaker en nie deur die huidige wynmaker gemaak is nie, bevestig asseblief die naam van die vorige wynmaker verantwoordelik vir die maak van die wyn gelys op die inskrywingsvorm soos gevra.
 - Die ontleding op die inskrywingsvorm moet ooreenstem met die WSR 2a vir elke inskrywing (dit wil sê die alkoholpersentasie moet direk ooreenstem met die sertifikaat).
 - Hanteer asseblief enige navrae aangaande klasinskrywings met die organiseerders voor inskrywings ingedien word.
 - Dien asseblief inskrywingsvorm in Excel-formaat in (nie PDF of enige ander weergawe nie).
- Sertifiseringsdokumente moet inskrywingsvorm vergesel** – WSR 2a- en 4a-sertifikate word vereis.
 - Volledige ontledings moet op WSR 2a aangedui word om die korrekte proevolgorde te verseker.
 - Indien nie beskikbaar by inskrywing nie, produsente mag die WSR 4a vorm verskaf ten tyde van die beoordeling; stel asb. die organiseerders in kennis in sodanige geval.
- 'n Afskrif van die wynetiket moet elke wyninskrywing vergesel.**
 - Verskaf asseblief 'n afskrif van die wynetiket sodat die organiseerders hul kan vergewis van die presiese name van wyne vir potensiële publisiteit en die wyskous-toep.
 - Indien 'n etiket (en WSR 4a sertifikaat) nie beskikbaar is nie, verseker asseblief dat die naam van die wyn volledig en korrek ingeskryf word.
- Voltooi die 2022-inskrywingsvorm-kieslys** en stuur dit saam met jou Trophy Wine Show 2022-inskrywingsvorm(s) en ondersteunende dokumentasie na OutSorceress Marketing.

WYNAFLEWERING

- Elke inskrywing moet in sy eie verpakking wees (nie ingesluit by ander inskrywings nie).
- Wynmonsters/bottels moet duidelik gemerk wees.
- Die naam van die produsent moet op die verpakking aangeheg word.
- LW: Bottels se seëlkodes moet ooreenstem met die verskafde finale sertifisering.
- Aflewering op 9 Junie tussen 08:00 en 15:00 by The Westin Cape Town (hotelse afleweringlokaal), Convention Square, Lower Longstraat nr. 1, Kaapstad. Hou asseblief by bogenoemde tyd. **(aflewering sal nie op enige ander dae aanvaar word nie).**
- Afleweringpersoneel moet met COVID-19 toesluiting-protokolle nakom: hulle moet 'n masker (en handskoene) dra, en eie trollies saambring.

INSKRYWINGSKLASSE

- **Wyne wat in enkelvariëteitklasse ingeskryf is, moet ten minste 85% van daardie druifsoort bevat.**
- **Wyne wat as enkelvariëteit geëtiketteer is kan nie in versnitklasse ingeskryf word nie.**
- **Wyne wat as enkelvariëteit geëtiketteer is, kan nie in versnitklasse ingeskryf word nie.**

Witwyn

- 1.1 Sauvignon Blanc (Ongehoute)
- 1.2 Sauvignon Blanc (Gehoute)
- 2 Chardonnay
- 3 Chenin Blanc
- 4 Sémillon
- 5 Ander Wit druifsoorte: sluit in, maar is nie beperk tot, Cinsaut Blanc, Colombard, Clairette Blanche, Crouchen Blanc, Gewürztraminer, Grenache Blanc, Grenache Gris, Gruner Veltliner, Marsanne, Pinot Blanc, Pinot Gris, Riesling, Roussanne, Semillon Gris, Verdelho, Vermentino, Viognier en wit wyne wat van 'n rooi druifsoort gemaak is (geen sigbare tint nie)
- 6 Sauvignon Blanc Sémillon/Versnit
- 7 Ander Wit Versnit

Rosé en Blanc de Noir

- 8.1 Rosé
- 8.2 Blanc de Noir

Rooiwyn

9. Cabernet Sauvignon
10. Cabernet Franc
11. Merlot
12. Pinotage
13. Shiraz/Syrah
14. Pinot Noir
15. Ander rooi druifsoorte: sluit in, maar is nie beperk tot, Carignan, Carménère, Cinsault, Gamay Noir, Grenache Noir, Malbec, Mourvèdre, Petit Verdot, Tannat, Tempranillo, Touriga Franca, Touriga Nacional en Zinfandel.
- 16.1 Droë Rooi Versnit bestaande uit ten minste 30% Pinotage (Kaapse Versnit)
- 16.2 Ander Rooi versnitte
- 17 Rhône-styl Rooi Versnit gemaak van slegs twee van die volgende druifsoorte: Shiraz, Grenache Noir, Mourvèdre, Carignan, Cunoise, Vaccarese, Terret Noir, Muscardin, Cinsault en met minder as 15% wit druifsoorte waarvan Viognier, Marsanne, Roussanne, Picpoul en Clairette toegelaat word.
- 18 Bordeaux-styl Rooi Versnit gemaak van (slegs) twee of meer van die volgende druifsoorte: Cabernet Sauvignon, Cabernet Franc, Carménère, Malbec, Merlot, Petit Verdot

Gefortifiseerde wyne

- 19.1 Wit Muscat-druifsoorte (bestaande uit ten minste 85%)
- 19.2 Rooi Muscat-druifsoorte (bestaande uit ten minste 85%)
- 19.3 Nie-Muscat (nie meer as 15% Muscat-druifsoorte in die versnit)
- 20 Sjerrie
- 21.1 Cape Ruby
- 21.2 Cape Tawny
- 21.3 LBV
- 21.4 Cape Vintage/Cape Vintage Reserve

Dessertwyn (ongefortifiseer)

- 22.1 Natuurlike soet
- 22.2 Botritiswyn (edellaatoes)
- 22.3 Ander

Vonkelwyn

23. Bottelgefermenteerde wyn (Méthode Cap Classique)
24. Ander (tenkgefermenteerde, gekarboneer)

Boetiekklaswyne

Die wyskou bied 'n afdeling vir Boetiekklaswyne vir nie-dessertwyne met 'n produksievolume tussen 600 and 900 liter (nie geldig vir Kaapse port en dessertwyne nie). Volume- en beskikbaarheidskriteria wat toepaslik is op alle wyninskrywings geld ook vir Boetiekklaswyne. Deelnemers moet die toepaslike klasnommer met 'n "B" as agtervoegsel op hul inskrywingsvorm merk, bv. 3B vir Chenin Blanc, 6B vir Rynse Riesling ens. vir wyne wat vir hierdie Trofee in aanmerking kom (dit wil sê wyne met produksievolumes tussen 600 en 900 liter).

Museumklaswyne

Die wyskou sluit 'n afdeling vir "Museumwyne" in. Die kriteria vir volume en beskikbaarheid wat toepaslik is by alle ander klasse, geld nie vir wyne wat in die "Museumklas" ingeskryf is vir droë witwyne van ten minste vier jaar oud en alle ander wyne (insluitende vonkelwyne) van ten minste agt jaar oud nie. Inskrywings moet die relevante klasnommer met 'n "M" opvolg op die inskrywingsvorm, bv. 2M vir 'n Chardonnay, 11M vir Cabernet Sauvignon, 18.2M vir Ander Rooi versnitte ens.

Organiese Wyne

Die wyskou sluit 'n afdeling vir "Organiese Wyne" in. Volume en beskikbaarheidskriteria wat op alle wyninskrywings van toepassing is, geld vir organiese wyninskrywings. Deelnemers moet die betrokke klasnommer met 'n "O" byvoeg op die betrokke inskrywingsvorm, bv. 15O vir Shiraz. **L.W.** Sertifisering van 'n erkende organiese / biodinamiese maatskappy moet die inskrywing (s) vergesel.

Ou Wingerdwyne

Die wyskou bevat 'n afdeling vir ou wingerdwyne (Old Vine Wines) van gesertifiseerde erfenis-wingerde. Deelnemers moet die betrokke klasnommer met "OV" langs die wyninskrywing op die inskrywingsvorm byvoeg, bv. 30V vir Chenin Blanc. **L.W.** Certified Heritage Vineyard-sertifisering moet die dokumentasie vir wyninskrywing vergesel.

Vir verskeie aanvullende klasse van inskrywing, voeg alle toepaslike letters by, bv. 15MO vir Shiraz Museum

Inskrywingsprosedures

1 **Voltooid inskrywingsvorme en sertifiseringsdokumente (sien reël 5) en afskrifte van wynetikette moet of d.m.v. epos maan OutSorceress Marketing voor, of op, 6 Mei gestuur word.** Die aanvaarding van laat inskrywings, al dan nie, geskied met die diskresie van die Skouvoorsitter. Betaling van inskrywingsfooi moet op faktuur aangedui wees. Dui aan op die inskrywingsvorm indien 'n Bestelling nr. vereis is.

2 **Wynmonsters (sien reël 8) met volledige voltooid etikette (sien reëls 7 en 8) moet by The Westin Cape Town (hotelse afloweringslokaal), Convention Square, Lower Longstraat nr. 1, Kaapstad, afgelewer word tussen 08:00 en 15:00 op Donderdag 9 Junie.** Laat indienings sal nie aanvaar word nie.

3 **Sertifiseringsdokumente (WSR 2a MOET volledige analise op die sertifikaat hê) moet die inskrywingsvorme vergesel.** In die geval waar 'n produsent wyn wil inskryf wat nie aan die Wyn-en-Spiritusraad se sertifiseringskriteria voldoen nie, of nie kan voldoen nie, moet die wynmonster vergesel wees van onafhanklike analise en 'n brief wat verduidelik waarom sertifisering nie verkry is of verkry kon word nie. Sulke inskrywings sal na die diskresie van die Skouvoorsitter oorweeg word vir beoordeling. Desnieteenstaande moet 'n inskrywing voldoen aan die wette en regulasies wat die wynproduksie in Suid-Afrika rig, insluitend, maar nie beperk nie, tot dié uiteengesit in die Wet op Drankproduksie (Wet 60 van 1989), asook regulasies van Gesondheid en Doeanes en Aksyns. **Organiese Wyn-inskrywers moet die betrokke sertifisering van 'n erkende organiese/biodinamiese maatskappy indien.**

4 'n Afskrif van die wynetiket moet elke wyninskrywing vergesel – benodig om presiese wynlystings te verifieer.

5 Alle inligting wat op die inskrywingsvorme weergegee is, is onderworpe aan verifiëring en die produsent moet onderneem om die oorspronklike weergawes van die relevante rekords beskikbaar te stel waar nodig. **Wyne wat met medaljes bekroon word, mag aan die Wyn-en-Spiritusraad en/of 'n onafhanklike laboratorium voorgelê word om te bevestig dat die monster wat vir beoordeling voorgelê word, dieselfde is as die gesertifiseerde wyn.**

6 **Slegs wyne wat markgereed is, mag ingeskryf word** – geen tenk- of vatmonsters sal aanvaar word nie; voorleggings moet in hul finale, gebottelde formaat wees en moes volledige sertifisering van die Wyn-en-Spiritusraad verwerf het (sien reël 3).

7 **Ingeskrewre monsters (wyne) moet geëtiketteer wees** met óf die ware etiket, óf 'n rekenaar-etiket wat die wyn se korrekte naam en oesjaar weergee. Moet asseblief nie enige ander materiaal op die bottels plak nie. Bottels se seëlkodes moet ooreenstem met die verskafde finale sertifisering.

8 Ingeskrewre monsters moet bestaan uit 6 bottels van elke ingeskrewre wyn, met elk apart verpak en duidelik geëtiketteer. Elke verpakking met monsters moet die naam van die produsent en die woorde "Investec Trophy Wine Show" bevat.

9 **Wyne mag slegs deur die produsent wat verantwoordelik vir die handelsmerk is, ingeskryf word.** In terme van dié regulasie, verwys 'produsent' na 'n persoon, vennootskap, organisasie, koöperasie, maatskappy of korporatiewe liggaam wat wyn produseer of druiwe verbou en wyn vir hom/haar laat maak vir die doel van groot- of kleinhandel onder die naam, of gekose naam, van die produsent, soos aangedui op die inskrywingsvorm.

Volume-vereistes

10 Die minimum hoeveelheid wat geproduseer is, moet 600 liter (67x12x750ml kiste of gelyke volume) beslaan; in die geval van alle wyn buiten dessert- en portwyn, waarvoor die minimum produksie vereiste 450 liter is.

11 **Ten minste 30 kiste x 12 x 750ml (20 kiste in die geval van Boetiekklas; 126 liter vir dessert- en portwyn) moet vanuit die kelder beskikbaar wees vanaf die inskrywingsdatum tot 5 Augustus (1 maand na die uitslae-aankondiging).** Hierdie sluit wyn wat vir bemarkingsdoeleindes gereserveer is in, wat van die totaal afgetrek kan word, sou die Skou-organiseerders 'n bestelling daarvoor insit (sien reëls 12 en 13).*

12 **Alle deelnemers moet bereid wees om tot 60 bottels (of gelyke volume) van elke inskrywing vir die Roadshow beskikbaar te stel – waarvan 36 gratis gelewer moet word. Hierdie is slegs op medaljewenners van toepassing, wie deur die loop van die week na beoordeling verwittig sal word.**

13 **25 kiste x 12 x 750ml (helfte van dié hoeveelheid in die geval van dessert- en portwyne; 15 kiste vir Boetiekklas) – of gelyke volume – is die minimum hoeveelheid van elke wyn wat te koop aangebied moet word vir die Skou-organiseerders of hul aangewese agente teen die Kaapse handelprys of die handelprys vir die afloweringslokaal van toepassing is** (hierdie prys moet op die inskrywingsvorm aangedui word). **Produsente moet hierdie voorraad reserveer tot en met die afloop van besigheid op 5 Augustus selfs as 'n gedeelte deur die skou-organiseerders of -agente voor hierdie datum bestel is**, waarteen die Skou-organiseerders, of aangewese agent, sou aandui of hulle die reg wil uitoefen om alles of 'n deel van hierdie reserve op te neem, om gebruik te word vir die aanval van voorrade vir die Trophy Wine Show Openbare Proeë, of om gebruik te word om bewusheid vir die Skou te kweek en groter verbruikersnavraag na die Skou se bekroonde wyne te dryf.

* **Volume-vereistes geld nie vir inskrywings in die "Museumklas" kategorie nie** (sien Klasse van Inskrywings) vir wyne wat ten minste 4 jaar oud is in die geval van droë witwyne of ten minste 8 jaar oud is in die geval van alle ander wyne (insluitende vonkelwyne) – deelnemers hoef slegs 6 bottels (6x750ml of gelyke volume) vir beoordelingsdoeleindes voor te lê, maar geen verdere vereistes geld in terme van beskikbaarheid by die kelder ná die Skou, of aan die borg vir Openbare Proeë, vir aankoop deur die Skou-organiseerders vir bemarkingsdoeleindes nie.

Inskrywings-paaiement

14 **Die inskrywingsfooi vir inskrywings wat voor of op 6 Mei ingedien word, is R1875 insl. BTW vir elke wyn wat ingeskryf word. 8 tot 15 inskrywings per produsent ontvang 'n afslag van 5% op die faktuur; 16 en meer, 'n afslag van 10%.** Na ontvangs van die faktuur van Vinifera Edms Bpk, moet die volle bedrag teen 13 Mei per EFT aan die volgende rekening betaal word: Rekeningnaam: Vinifera; Bank: Investec Bank Ltd; Taknommer: 580105; Rekeningnommer: 10013023132. Verwysing: soos op u faktuur aangedui. Bewys van betaling moet per epos aan leeraan@outsorceress.co.za gestuur word. **GEEN KONTANT OF TJEKBETALINGS SAL AANVAAR WORD NIE**

15 Laat inskrywings mag aanvaar word op diskresie van die Skouvoorsitter (onderworpe aan 'n bykomende fooi).

16 Inskrywings waarvoor betaling nie ontvang is nie sal gediskwalifiseer word.

17 Inskrywingsfooi is nie terugbetaalbaar nie.

Bottelplakkers

18 Deelnemers wie se wyne 'n medalje of trofee op die Skou wen sal geregtig wees om hul prestasies op die bottels van sulke wyne aan te dui deur middel van toepaslike plakkers uitgereik deur die wynskou organiseerders. Sulke plakkers mag slegs aangebring word op bottels wat spruit uit **dieselfde sertifisering van die Wyn-en-Spiritusraad as die monsters wat aan die Skou se beoordelaarspaneel voorgelê is.**

19 Die Trophy Wine Show 2022 bottelplakkerbestelvorms sal aan suksesvolle produsente onmiddellik gestuur word na die uitslae bekendgemaak is word en sal ook op www.trophywineshow.co.za beskikbaar wees. Sperdatum vir die ontvangs van bottelplakkerbestellings: sal bevestig word

20 **Deelnemers wat plakkers vir medalje- of trofee-bekroonde wyne verlang, kan dit aankoop by die Skou-organiseerders teen R495 (insl. BTW) per rol van 1000. Volume-afslae vir bestellings van 10 rolle en meer is beskikbaar.** Bottelplakker-bestellings kan slegs aanvaar word in veelvoude van 1000.

21 'n Faktuur vir bottelplakkers vir elke suksesvolle wyn asook koerierkoste sal met afloop van ontvangs van bestelling.

22 Met die voorsiening van die betalingsbewys sal bottelplakkers verskaf word. Indien nodig kan koerier van plakkers gereël word teen in ekstra koste.

Verklaring

23 Deelnemers verklaar met die voorlegging van wyn vir beoordeling in die Skou dat dié wyn streng volgens die regulasies met betrekking tot wynproduksie in Suid-Afrika gemaak is en dat geen geurmiddels (natuurlik, natuuridenties of onnatuurlik) in die produksie van die wyn

gebruik is nie. **Deelnemers verklaar verder dat die wynmonsters wat ingedien is, geneem is van die porsie voorraad wat deur die WSR-sertifisering erken word en wat die betrokke inskrywing vergesel, en dat dit in alle gevalle identies is aan die spesifieke voorraad.** In die geval waar 'n wyn ingedien onder die inskrywing 'n toekenning ontvang, verklaar deelnemers dat die uitgereikte plakkers slegs op bottels wat afkomstig is van eenderse voorraad, met identiese WSR-sertifisering, aangewend sal word.

24 **Die Trophy Wine Show aangebied deur Investec** is verbind tot deursigtige etiese handelspraktyke deur die wynbedryf en belanghebbendes. Produsente wat inskryf word dien ooreenkomstig versoek om hul nakoming van die etiese handelspraktyke in die verklaring op die inskrywingsvorm te bevestig.

Beoordelingsprosedures

25 Alle inskrywings sal beoordeel word volgens die druifsoort en/of tipe wyn (die klas) waaraan dit behoort. Die Skouvoorsitter mag die klas van 'n inskrywing aanpas indien dit, in sy opinie, die integriteit van die kompetisie beskerm met dié verandering.

26 In die geval dat minder as 10 inskrywings in 'n bepaalde Klas van Inskrywing ontvang word, behou die kompetisie-organiseerders die reg om die ingeskrewe wyn in 'n breër groepering te plaas wat die oorspronklike klas insluit.

Die voorsitter van elke beoordelaarspaneel – of indien nie hy/sy nie die Skouvoorsitter – sal poog om konsensus te bewerkstellig onder die lede van die paneel **27** die telling wat aan 'n spesifieke wyn toegeken is.

Voorleggings sal beoordeel word op 'n 100-punt skaal en medaljes sal op die volgende basis toegeken word: Goud= 95 punte of meer (uitmuntend, wêreldklas) Silwer = 90 – 94 punte (uitstekend, wyn met onderskeiding) Brons = **28** 89 punte (goed tot baie goed).

Die goue-medaljewenners in die klas sal deur die beoordelaarspaneel ingeskryf word vir die trofee-seleksie.

Die Skouvoorsitter mag deur 'n paneelvoorsitter geroep word wanneer konsensus nie bereik is in die toekenning van 'n telling vir 'n spesifieke wyn nie. In so 'n **29** geval sal die telling deur die Skouvoorsitter bepaal word.

Al die beoordelaars op die onderskeie panele sal die trofee inskrywings beoordeel en die skouvoorsitter sal 'n beslissende stem hê in die geval waar daar met enige beslissing nie 'n ooreenkoms bereik kan word met die **30** bekenning van 'n trofee nie.

Die Skouvoorsitter behou die reg voor om enige inskrywing wat in sy/haar opinie nie aan die regulasies van hierdie kompetisie voldoen nie, te diskwalifiseer.

DIE TROFEË

Trofeë vir die beste van die goue medaljewenners – wyne wat 90 of meer uit 'n 100 verwerf – mag in alle klasse toegeken word, sowel as vir Museum-inskrywings in alle klasse. Druifsoort en kategorie-trofeë (bv. gefortifiseerde, vonkelwyn en/of druifsoort-spesifieke trofeë) sal aan die wyn met die hoogste telling binne die relatiewe klasgroeperings toegeken word. Hierdie sluit in, maar is nie beperk nie tot:

Investec Trofee vir Mees Suksesvolle Produsent	Beste Gefortifiseerde Dessertwyn	Beste Wit Versnit
Investec Internasionale Beoordelaarstrofee*	Beste Merlot	Business Day Trofee vir Beste Shiraz
Investec Trofee vir Beste Rooiwyn	Beste Museumklas	Financial Mail Trofee vir Beste Sauvignon Blanc Sémillon Versnit
Investec Trofee vir Beste Witwyn	Beste Niswyn	Harold Eedes Trofee vir Beste Chenin Blanc
Investec Trofee vir Beste Ongefortifiseerde Dessertwyn	Beste Organiese Wyn***	Miele Trofee vir Beste Chardonnay
Investec Trofee vir Ontdekking van die Skou **	Beste Pinotage	Riedel Trofee vir Beste Bordeaux-styl Rooi Versnit
Investec Trofee vir Beste Cabernet Sauvignon	Beste Pinot Noir	Rosa Kruger Trofee vir Beste Erfenis-wingerd wyn ****
Beste Ander Rooi Versnit	Beste Rhône-styl Rooi Versnit	Sowetan Trofee vir Beste Vonkelwyn
Beste Boetiekklas	Beste Riesling	Sunday Times Trofee vir Beste Sauvignon Blanc
Beste Cabernet Franc	Beste Sémillon	Tony Mossop Trofee vir die Beste Cape Portwyn

* Die Investec Internasionale Beoordelaarstrofee word toegeken aan die ongefortifiseerde, nie-dessert-, nie-boetiek-, nie-museumklas goue medaljewenner wat die beste puntetelling behaal.

** Die Investec Trofee vir die Ontdekking van die Skou (beste waarde) sal toegeken word aan die goue medaljewenner – ongefortifiseer, nie-dessert-, nie-boetiek-, nie-museumklas – wie se finale telling, gedeel deur sy voor-Skou prys (in Rand aangepas deur 'n rooiwyn/witwyn indeks), die hoogste kwosiënt gee.

*** Die Trofee vir Beste Organiese Wyn – indien inskrywings vir hierdie kategorie die vereistes bereik in die beoordeling van die toepaslike klasse.

**** Rosa Kruger Trofee vir Beste Erfenis-wingerd wyn – aangebied aan die hoogste medaljewenner van 'n gesertifiseerde erfenis-wingerd.

SKOUSTATISTIEK 2019

20 trofee-wyne
24 trofeë toegeken
29 wynmakerye het goue medaljes gewen
32 goue medaljewenners
143 silwer medaljewenners
522 brons medaljewenners
697 medaljes toegeken
956 wyne in totaal beoordeel

SKOUSTATISTIEK 2020

18 trofee-wyne
21 trofeë toegeken
32 wynmakerye het goue medaljes gewen
39 goue medaljewenners
133 silwer medaljewenners
412 brons medaljewenners
584 medaljes toegeken
747 wyne in totaal beoordeel

SKOUSTATISTIEK 2021

16 trofee-wyne
21 trofeë toegeken
29 wynmakerye het goue medaljes gewen
32 goue medaljewenners
111 silwer medaljewenners
355 brons medaljewenners
498 medaljes toegeken
673 wyne in totaal beoordeel

NAVRAE: Kontak Alex Mason-Gordon by OutSorceress Marketing: **Telefoon** 083 308 1447 **Epos** alex@outsorceress.co.za

VOLG ONS:



@trophywines



@trophy_wines



trophywineshow

#InvestecTWS2022

#celebrateexcellence